



JAFNRÆÐI • JÁKVÆÐNI  
TRAUST • VIRÐING

# Pistill sveitarstjóra

Sveinn Margeirsson

## Skútustaðahreppur

### 15. maí 2021

Kæru Mývetningar nær og fjær! Þá er vorið komið, þó svalt sé á nóttunni stundum. Lambærnar á beit og ferðamönnum tekið að fjölga. Um að gera að njóta lífsins og renna yfir sveitarstjórapistil á laugardegi!

### Landgræðsluverðlaun

Það er afar ánægjulegt að segja frá því að Skútustaðahreppur hefur hlotið Landgræðsluverðlaunin 2021. Forstjóri Landgræðslunnar, Árni Bragason, afhenti Helga Héðinssyni, oddvita, verðlaunin í Skjólbrekku nýverið og var meðfylgjandi mynd tekin við það tækifæri.



Verðlaunin eru viðurkenning til alls samfélagsins, en fjölmargir íbúar hafa tekið virkan þátt í landgræðslustörfum á síðustu árum. Þá er frumkvæði sveitarfélagsins tengt landgræðslumálum, t.d. varðandi meðferð svartvatns og lífrænna afganga (úrgangs), meðal ástæðna þess að Skútustaðahreppur hlýtur Landgræðsluverðlaunin þetta árið. Sannarlega hvatning til að gera enn betur næstu ár! Komum með hugmyndir, tökum til hendinni og græðum landið!



### Lífrænar auðlindir - Tilraunaverkefni

Tilraunaverkefni um lífrænar auðlindir er farið af stað, eins og rækilega hefur verið auglýst í Húsöndinni, vef sveitarfélagsins og víðar. Það er um að gera að verða sér úti um bokashi tunnu til að nota heima við. Hægt er að hafa samband við Valerija (valerija@skutustadahreppur.is) til að nálgast tunnur. Íbúar geta svo nýtt afurðina, t.d. til eigin garðyrkju eða matjurtaræktunar. Fyrir þá sem kjósa heldur að losa söfnunartunnurnar utan eigin garða munu verða staðsett söfnunarlát á gámavellinum, við hreppsskrifstofuna og við Gíg. Landgræðslan, Umhverfisstofnun og Terra eru samstarfsaðilar í verkefninu og skaffar Terra söfnunarlátin og sér um flutning afurðanna til landgræðslu, eins og þörf verður á. Rétt er að benda á að um tilraunaverkefni er að ræða og eru allar tillögur um framkvæmdina vel þegnar!

## Ársreikningur 2020 liggur fyrir

Ársreikningur sveitarfélagsins liggur fyrir og hefur farið í gegnum fyrri umræðu sveitarstjórnar. Við gerð fjárhagsáætlunar fyrir 2021, leit út fyrir að niðurstaðan yrði um 18 milljóna tap árið 2020, en með samhentum átaki og góðum viðspyrnustuðningi ríkisins tókst að skila örilitlum rekstrarhagnaði, 7 þúsund krónum. Síðari umræða um ársreikninginn verður á næsta sveitarstjórnarfundum, 26. maí.

## Hugmyndir að breyttum áformum um landnotkun - Aðalskipulag

Vegna endurskoðunar Aðalskipulags Skútustaðahrepps 2011 – 2023 sem nú er í vinnslu býðst íbúum og landeigendum í Skútustaðahreppi tækifæri til þess að móta framtíðar landnotkun innan sveitarfélagsins. Íbúar eru hvattir til þess að senda inn hugmyndir og athugasemdir sem nýttar verða við mótun tillögu sem kynnt verður snemmsumars.

Skútustaðahreppur hefur sett sér markmið um að leggja sitt af mörkum í baráttunni við loftslagsbreytingar með uppgræðslu og kolefnisbindingu. Í því samhengi er m.a. horft til [Bonn yfirlýsingarinnar](#). Sveitarfélagið er heilsueflandi samfélag og leggur áherslu á að stuðla að lýðheilsu með uppbyggingu mannvirkja sem stuðla að hreyfingu og útivist. Atvinnustefna sveitarfélagsins snýr að því að fjölga atvinnutækifærum í sveitinni, vera vistvæn og nýta styrkleika svæðisins til uppbyggingar. Takið þátt og sendið á [tillaga@skutustadahreppur.is](mailto:tillaga@skutustadahreppur.is)

## Sumarstörf námsmanna

Skútustaðahreppur hefur fengið stuðning Vinnuálastofnunar til að ráða námsmenn til sjö sumarstarfa. Störfin eru fjölbreytt og voru þau skilgreind í samvinnu við Mývatnsstofu, Þekkingarnet Þingeyinga og Þingeyjarsveit. Endilega kynnið ykkur málið og bendið öflugum námsmönnum á tækifærið! Sjá nánar: <http://www.skutustadahreppur.is/v/21178>

## Plokkhátíð 18. maí

Plokkhátíð er framundan, en viðburðurinn hefur skapað sér sess í vorstarfi Mývetninga. Allir sem vettlingi geta valdið, heimamenn sem gestir, eru hvattir til að leggja hönd á plóg! Fyrirtæki á svæðinu eru sérstaklega hvött til að hreinsa í kringum starfssvæði sitt. Nánari upplýsingar veitir Óli Þróstur: 894 3433

(English below)

**Plokkhátíð 2021**

Þriðjudaginn 18.maí - klukkan 16:30

Grimingar / Landeigendur Reykjahlíðar  
Flugvallarvegur að Grimstaðahlíð  
Mæting við flugvallarveg

Kvenfélagið / Gjallandi  
Óxli að Arnarvatni  
(að Sandvatnsbrékku)  
Mæting við Grimstaðahlíð

Björgunarsveitin / Kivánis  
Akstursþróttafélag Mývatnsveitar  
Garður að Músvatni  
Mæting við Sel hotel

Mývetningur / Golfklubburinn  
Reykjahlíðarþorp, gamli vegur frá skóla,  
Austurlandsvegur að Kröfualleggjara,  
vegurinn að Jarðböðunum  
Mæting við Dyngjuna

Fjoregg / Landeigendafélag Voga /  
Slysavarnarfélagið  
Austurlandsvegur að Garði  
(Gripotagarvegur, Hverfjallavegur  
og Dimmubongarvegur)  
Mæting við Þjórk



## Kosningar um sameiningartillögu 5. Júní

Kynningarfundir um mögulega sameiningu Skútustaðahrepps og Þingeyjarsveitar fóru fram í Skjólbrekku og Ýdölum, sem og á netinu í byrjun maí. Fundirnir voru vel sóttir og komu fram margar góðar spurningar tengt sameiningunni. Íbúar eru hvattir til að kynna sér sameiningartillöguna á [www.thingeyingur.is](http://www.thingeyingur.is), þar sem einnig má nálgast upptöku af fundunum.



Í sameiningarkosningum eiga námsmenn sem búsettir eru á Norðurlöndunum rétt á því að vera teknir á kjörskrá en þeir þurfa að sækja sérstaklega um það hjá Þjóðskrá Íslands á þar til gerðu eyðublaði K-101 ásamt því að skila

inn staðfestingu á námsvist. Hægt er að kjósa í sendiráðum Íslands í viðkomandi landi.

## HRÓS DAGSINS

Hrós dagsins fellur í skaut starfsmanna verktakafyrirtækisins Jón Ingi Hinriksson ehf, sem hafa á síðustu vikum komið framkvæmdum við hjólreiðastíg á milli Reykjahlíðar og Voga áfram, en stefnt er á að klára þann hluta í sumar. Þá er samráðsferli varðandi hönnun stígsins frá Geiteyjarströnd að Skútustöðum í fullum gangi.

Vorið er komið og grundinar gróa!

**Sveinn Margeirsson, sveitarstjóri**